



**ZAPISNIK O RADU 11. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 18.10.2021. GODINE**

Broj: 01-GV-02-1268/21

Sarajevo, 18.10.2021. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srdić“
9. Bajro Biber, predsjedavajući Kluba gradskih vijećnika „USD-BOSS“
10. Jasmin Skorupan, zamjenik predsjedavajućeg Kluba gradskih vijećnika „Korora/Skorupan“
11. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
12. Mila Eminović Rizvanović, sekretar Gradskog vijeća

Odsutna: Enisa Spahić, predsjedavajuća Kluba gradskih vijećnika „Demokratska fronta-Enisa Spahić - Amra Zulfikarpašić“

Sjednici je prisustvovala gradonačelnica Grada Sarajeva Benjamina Karić.

Iz Stručne službe Gradskog vijeća Grada Sarajeva sjednici je prisustvovala:

- Mirjana Đanović Stanić, rukovodilac Stručne službe Gradskog vijeća Grada Sarajeva

Jasmin Ademović, predsjedavajući Gradskog vijeća, je otvorio sjednicu u 09,00 sati, pozdravio prisutne, te konstatovao kvorum za punovažan rad i odlučivanje.

Na prijedlog Jasmin Ademovića, predsjedavajućeg Gradskog vijeća, Kolegij Gradskog vijeća, bez rasprave, izjasnivši se sa 11 glasova „za“ i uz jedan „suzdržan“ glas usvojio je Zapisnik o radu 10. sjednice Kolegija Gradskog vijeća, održane 12.10.2021. godine.

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, bez rasprave, jednoglasno, izjasnivši se sa 12 glasova „za“, usvojio je Dnevni red 11. sjednice Kolegija Gradskog vijeće, tako da glasi:

1. Predlaganje kandidata za članove Odbora za dodjelu „Šestoaprilske nagrade Grada Sarajeva“ za 2022. godinu iz reda istaknutih javnih djelatnika
2. Očitovanje Kolegija Gradskog vijeća o mišljenjima radnih tijela o Nacrtu Programa rada Gradskog vijeća Grada Sarajeva za 2022. godinu
3. Razmatranje inicijativa radnih tijela Gradskog vijeća Grada Sarajeva
4. Tekuća pitanja



Ad1)

Predlaganje kandidata za članove Odbora za dodjelu „Šestoaprilske nagrade Grada Sarajeva“ za 2022. godinu iz reda istaknutih javnih djelatnika

U uvodnim napomenama Jasmin Ademović, predsjedavajući Gradskog vijeća, podsjetio je članove Kolegija Gradskog vijeća, na propisanu proceduru kandidiranja kandidata za Odbor za dodjelu „Šestoaprilske nagrade Grada Sarajeva“ za 2022. godinu, a koji prijedlog se dalje upućuje Komisiji za izbor i imenovanja, kao i obavezu donošenja Odluke o formiranju Odbora za dodjelu „Šestoaprilske nagrade Grada Sarajeva“ za 2022. godinu na oktobarskoj sjednici Gradskog vijeća, te na zaključak Kolegija Gradskog vijeća po ovom pitanju, sa prošle sjednice Kolegija o tome da se na današnjoj sjednici Kolegija moraju utvrditi prijedlozi kandidata ispred Kolegija. Upoznao je prisutne da su, prije početka sjednice, određeni klubovi gradskih vijećnika dostavili pisane prijedloge kandidata, te predložio da predstavnici klubova usmeno upoznaju Kolegij Gradskog vijeća sa svojim kandidatima.

Predstavnici Klubova gradskih vijećnika su, zatim, iznijeli prijedloge kandidate za članove Odbora iz reda istaknutih javnih djelatnika, kako slijedi.

Toni Vukadin, predsjedavajući Kluba gradskih vijećnika NIP, predložio je da kandidati za članove Odbora budu:

- prof. dr. Ismet Gavrankapetanović i
- Aleksandar Seksan

Adi Škaljić, predsjedavajući Kluba gradskih vijećnika NS, predložio je da kandidat za člana Odbora bude:

- Igor Baroš

Muamer Mekić, predsjedavajući Kluba gradskih vijećnika SDP, predložio je da kandidat za člana Odbora bude:

- prof. dr. Ante Domazet

Vedad Deljković, predsjedavajući Kluba gradskih vijećnika SDA, predložio je da kandidat za člana Odbora bude:

- Ahmed Imamović

Bajro Biber, predsjedavajući Kluba gradskih vijećnika „USD-BOSS“, predložio je da kandidatkinja za člana Odbora bude:

- dr.sci. Mirsada Murtić

Jasmin Skorupan, zamjenik predsjedavajućeg Kluba gradskih vijećnika „Korora/Skorupan“, ispred klubova gradskih vijećnika „Korora/Skorupan“, „SMS-Savez za Stari Grad-Srđan Srđić“ i „Narodni evropski savez (NES) - Željko Majstorović“, predložio je da kandidat za člana Odbora bude:

- Prof. dr. Fahir Bečić

Nakon kratke rasprave, uslijedilo je izjašnjavanje o svakom pojedinačno predloženom kandidatu, te su se članovi Kolegija o predloženim kandidatima izjasnili kako slijedi, te su konstatovali da će u Odbor da budu ispred Kolegija kandidirani kandidati sa najvećim brojem pojedinačnih glasova:

- prof. dr. Ismet Gavrankapetanović - 12 glasova „za“,
- prof. dr. Ante Domazet - 12 glasova „za“,
- Ahmed Imamović - 12 glasova „za“,
- Igor Baroš - 12 glasova „za“,
- Aleksandar Seksan - 9 glasova „za“ i 3 „suzdržana“ glasa,
- dr.sci. Murtić Mirsada - 9 glasova „za“ i 3 „suzdržana“ glasa, te
- Prof. dr. Fahir Bečić - 7 glasova „za“ i 5 „suzdržanih“ glasova.

Nakon rasprave, Kolegij Gradskog vijeća jednoglasno je usvojio sljedeći zaključak:

Kolegij Gradskog vijeće Grada Sarajeva, u skladu sa članom 12. stav 3. Odluke o uslovima i načinu dodjele “Šestoaprilске nagrade Grada Sarajeva” (“Službene novine Kantona Sarajevo”, br. 28/19), kandiduje Komisiji za izbor i imenovanja Gradskog vijeća Grada Sarajeva za članove Odbora za dodjelu „Šestoaprilске nagrade Grada Sarajeva“ u 2022. godini šest kandidata iz reda istaknutih javnih djelatnika, i to: prof. dr. Ismet Gavrankapetanović, prof. dr. Ante Domazet, Ahmed Imamović, Igor Baroš, Aleksandar Seksan i dr. sci. Mirsada Murtić.

Ad 2)

Očitovanje Kolegija Gradskog vijeća o mišljenjima radnih tijela o Nacrtu Programa rada Gradskog vijeća Grada Sarajeva za 2022. godinu

Jasmin Ademović, predsjedavajući Gradskog vijeća, u uvodnim napomenama, podsjetio je članove Kolegija da je uz poziv za sjednicu, dostavljen radni materijal - Očitovanje Kolegija Gradskog vijeća o mišljenjima radnih tijela Gradskog vijeća o Nacrtu Programa rada Gradskog vijeća Grada Sarajeva za 2022. godinu, te da su tu navedene sve primjedbe, prijedlozi i sugestije radnih tijela koja su razmatrala Nacrt Programa i tekst mogućeg stava Kolegija Gradskog vijeća kao ovlaštenog predlagача materijala po naznačenim pitanjima.

Budući da nije bilo rasprave, Predsjedavajući je predložio, a Kolegij Gradskog vijeća je jednoglasno usvojio sljedeći zaključak:

1. Kolegij Gradskog vijeća usvaja Očitovanje o mišljenjima radnih tijela Gradskog vijeća o Nacrtu Programa rada Gradskog vijeća Grada Sarajeva za 2022. godinu, u tekstu iz razmatranog radnog materijala.
2. Zadužuje se Stručna služba Gradskog vijeća da, s usvojenim Očitovanjem, uskladi tekst utvrđenog Nacrta Programa rada Gradskog vijeća Grada Sarajeva za 2022. godinu koji će se uputiti Gradskom vijeću, uz poziv za Sedmu sjednicu Gradskog vijeća.

Ad3)

Razmatranje inicijativa radnih tijela Gradskog vijeća Grada Sarajeva

I.

Predsjedavajući Jasmin Ademović, u uvodnim napomenama, podsjetio je članove Kolegija da se na prošloj sjednici, Kolegij nije očitovao o sljedećim inicijativama:

1. Odbor za javne službe infrastrukturu i javni saobraćaj je uputio inicijativu za zakazivanje tematske sjednice Gradskog vijeća, a vezano za sigurnost u javnom saobraćaju. Ovakvu inicijativu, potaknutu pojačanom ugroženošću putnika u javnom prijevozu, a vezano za pandemiju COVID 19, na sjednici Gradskog vijeća podnio je i gradski vijećnik Ratko Orozović.

Poslije rasprave i sažetka Predsjedavajućeg, Kolegij Gradskog vijeća je jednoglasno usvojio sljedeće zaključke:

1. Budući da Grad Sarajevo, u okviru svojih nadležnosti ništa ne može poduzeti, u vezi sa sigurnošću putnika u javnom prijevozu, a u kontekstu pandemije Covid 19, osim uputiti inicijativu nadležnim organima KS, odnosno poduzećima koja vrše javni prevoz putnika u KS, tematska sjednica ne bi polučila odgovarajuće rezultate.
2. Kolegij Gradskog vijeća je stava da se ne održavaju tematske sjednice Gradskog vijeća na kojima bi se razmatrala problematika za koju Grad Sarajevo nije nadležan, već da gradski vijećnici upućuju inicijative da takve, tematske sjednice, održe zastupnička tijela građana nadležnih nivoa vlasti, u ovom slučaju Skupština Kantona Sarajevo.

II.

Predsjedavajući Jasmin Ademović, u uvodnim napomenama, upoznao je članove Kolegija i sa inicijativom Odbora za lokalni biznis i turizam kojom je zatraženo da Gradsko vijeće podrži ovu inicijativu te da Gradonačelnica razmotri mogućnost i nađe rješenje da se na službenim skupovima u organizaciji Grada Sarajeva poslužuju domaći proizvodi (voda, sokovi i sl...)

Poslije rasprave, Kolegij Gradskog vijeća je jednoglasno donio sljedeće **zaključke**:

1. Kolegij Gradskog vijeća konstatira da se nabavka posluženja odvija putem Službe za zajedničke poslove F BiH, te da organi Grada Sarajeva na nabavku posluženja (a najviše je zastupljena flaširana voda) nemaju utjecaj.
2. Kolegij Gradskog vijeća je uputo sugestiju Gradonačelnici koja je sugestiju na sjednici Kolegija i prihvatila, da se u slučajevima u kojima je Grad Sarajevo ugovorni organa za nabavu posluženja, vodi računa da se nabavlja posluženje od lokalnih dobavljača, na način u okviru Zakona o javnim nabavkama.

U toku diskusije, Gradonačelnica je rekla da će u slučajevima u kojima Grad Sarajevo kao ugovorni organa nabavlja posluženje voditi računa da se nabavlja posluženje od lokalnih dobavljača, ali sve u skladu sa Zakona o javnim nabavkama BiH.

Ad3)

Tekuća pitanja

Jasmin Ademović, predsjedavajući Gradskog vijeća, upoznao je prisutne o odvijanju priprema za održavanje Sedme i Osme sjednice Gradskog vijeća Grada Sarajeva, u izlaganju sljedećeg sadržaja.

Pripreme za održavanje Sedme i Osme sjednice Gradskog vijeće, održavaju se u okviru dogovorene dinamike. U utorak 19.10.2021. godine planiraju se uputiti poziv za Sedmu sjednicu Gradskog vijeća. Ovlašteni predlagači su dostavili većinu predloženih akata.

Preostalo je da Komisija za izbor i imenovanja utvrdi:

- Prijedlog Odluke o formiranju Odbora za dodjelu „Šestoaprilske nagrade Grada Sarajeva“ u 2022. godinu

Istekao je i rok iz javnog konkursa za izbor pravobranioca Grada Sarajeva, a sljedeći korak je razmatranje pristiglih prijava na sjednici Komisije za izbor i imenovanja, te se proces nastavlja do konačnog prijedloga odluke Gradonačelnice za Gradsko vijeće. Stoga, još nisu utvrđeni i upućeni sljedeći materijali:

- Prijedlog Odluke o razrješenju pravobranioca Grada Sarajeva i raspoređivanja na mjesto zamjenika pravobranioca, te
- Prijedlog Odluke o imenovanju pravobranioca Grada Sarajeva.

Također, završetak konkursne procedure čeka se i u odnosu na sljedeće materijale koji će, obzirom na objektivnu okolnost provođenja konkursne procedure, biti upućeni po hitnom postupku jer ističe mandat vršiocima dužnosti članova skupština javnih preduzeća čiji je osnivač Grad Sarajevo. Riječ je o sljedećim materijalima:

- Prijedlog Odluke o imenovanju predsjednika i članova Skupštine JP za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ d.o.o. (J.P. „Sarajevo“ d.o.o.), *po hitnom postupku*,
- Prijedlog Odluke o imenovanju predsjednika i članova Skupštine JP „Olimpijski bazen Otoka“ d.o.o. Sarajevo, *po hitnom postupku*.

Za Osmu sjednicu Gradskog vijeća, pripreme se, također, odvijaju u skladu sa ranije dogovorenom dinamikom, s tim da Gradskom vijeću još uvijek nije dostavljen:

- Prijedlog Odluke o preuzimanju i održavanju Spomen parka Vraca

O razlozima naknadne dostave ovog prijedloga, Kolegij Gradskog vijeća je upoznala gradonačelnica Benjamina Karić. Na kraju je obavijestila članove Kolegija da će se realizirati inicijativa člana Kolegija sa prošle sjednice Kolegija - gradskog vijećnika Dragana Stevanovića da se prije Osme sjednice na kojoj će se razmatrati materijali koji se odnose na aktuelne projekte Grada organizuje obilazak svih objekata u odnosu na koje Grad provodi projektne aktivnosti. U obilasku će biti prisutni svi članovi Kolegija Gradskog vijeća i Gradonačelnica lično. O terminu organiziranja obilaska članovi Kolegija će biti naknadno obaviješteni.

Gradonačelnica Karić je u 09:40h napustila sjednicu obzirom da je iscrpljen Dnevni red i da ima ranije preuzete obaveze.

Budući da nije bilo dalje rasprave pod tačkom Tekuća pitanja, Jasmin Ademović, predsjedavajući Gradskog vijeća, 11. sjednicu Kolegija Gradskog vijeća je zaključio u 9:45h.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.